

上饒縣志卷之三

沿革志 府沿革代叙

郡縣肇置倣古侯伯端委勾吳實開南國師惟嚮子爰啟
楚疆越基明德雄長一方彈丸茲壤楚尾吳頭開之於越
實阻上游志沿革

廣信府

禹貢揚州之域春秋時屬楚昭王十二年吳伐楚取番勾踐
滅吳又屬越周顯王二十五年楚威王敗越殺王無疆盡
取其地史秦併天下為郡縣始皇二十四年置九江會稽

上饒縣志

沿革卷三

餘汗

於越志餘汗界東抵歙西抵豫章南抵閩徽北抵番
甸有葛興葛陽晉興等壤今上饒弋陽貴溪三縣地

太末

今玉山二縣分隸於二郡漢高帝元年分天下為十

三部置揚州部

漢書四年改九江曰淮南國六年析淮南置

豫章郡領縣十八餘汗隸焉會稽領縣二十六太末隸焉

前漢書

東漢仍之獻帝初平三年析太末置新安縣通考三國

吳盡有兩郡地興平元年吳孫策析豫章置廬陵郡餘汗

隸焉尋復建安十五年孫權陞鄱陽為郡析餘汗置葛陽

今上饒縣地

隸之烏程侯寶鼎元年孫皓析會稽為東陽郡新

安隸之

晉志皆統隸於揚州晉武帝太康元年改新安曰信

安以宏農亦
有新安 惠帝元康元年割揚荆十郡置江州析餘汗

置晉興今貴
縣地 宋齊因之梁天監二年改鄱陽為吳州改

東陽為金華郡陳廢吳州置郡尉府所隸三縣皆因晉之

舊隋開皇二年改吳州為饒州改金華為婺州大業三年

改饒州為鄱陽郡復婺州為東陽郡析葛興入葛陽置弋

陽縣縣得名
如此 省晉興入餘汗統隸如晉時唐武德四年設

洪州總管府林士宏降改鄱陽為饒州復葛陽置上饒縣

縣得名
始此 始立永豐鎮析葛陽以西置玉亭長城二縣唐
志隸

饒州析信安為衢州其南境置須江縣隸衢州武德七年

上饒縣志 沿革
卷三

改總管府為都督府省上饒入弋陽八年省玉亭入長城

又省長城入餘干省須江入信安復為弋陽餘干信安三

縣如隋之舊於晉興鄉置雄石鎮貞觀元年分天下為十

道饒衢皆隸江南道咸亨四年析信安之西南置常山縣

永昌元年復置須江證聖二年析常山須江及弋陽地置

玉山縣縣得名
始此 開元二十二年分為江南東西二道饒衢

分隸焉唐
志 天寶元年改饒為鄱陽郡改衢為信安郡通
乾
考

元元年江淮轉運使元載以此邑川原夔遠關防襟帶宜

置州制可乃析饒之弋陽衢之常山玉山及撫建之地賜

名信州以信美所稱為郡之名太平御覽復弋陽之葛陽置上

饒縣析上饒之永豐鎮割江山之西北益之置永豐縣縣得

名始以撫建之三鄉益弋陽永泰二年割弋陽之西境餘

干之東北境置貴溪縣縣得名信州於是領縣有五統隸

江南西道元和七年省永豐入上饒仍為鎮乾符五年黃

巢陷信州綱目中和二年危仔倡據信州梁開平二年仔

倡敗屬偽吳天福四年李昇篡吳信州入南唐五代史保大

十一年析弋陽所得撫建之地益以上饒三鄉置鉛山縣

縣得名始此宋開寶八年曹彬平江南得州十九信其一也隸

上饒縣志沿革卷三

江東路又以鉛山直隸京師後還隸信州淳化五年升弋

陽之寶豐場為縣尋廢康定間復置慶歷三年又廢熙甯

七年復永豐鎮為縣元至元十四年改信州路置總管府

又升鉛山縣為州并直隸浙江行中書省至正十一年徐

壽輝陷信州次年三月破饒信等州旋復十九年陳友諒

遣其黨攻陷信州二十年明太祖命胡大海取信州路友

諒敗走武昌因改信州為廣信府或曰信故信也拓以信

安地廣信也復鉛州為縣領縣六洪武四年郎中余德讓

奏廣信隸浙江漕運不便因改隸江西嘉靖三十九年割

上饒西北弋陽東北境置興安縣縣得名始此信始領七縣隸

江西布政使司四十一年巡撫胡松奏以湖東道駐劄永

豐縣尋罷

皇清因之仍隸湖東道雍正九年改廣饒九南道巡撫謝以吉安亦

有永豐縣疏請改永豐為廣豐縣府志增改

按府志云明洪武二年胡大海取信州查明史及續綱

目俱係元至正二十年事今為訂正前志

上饒縣

上饒本漢豫章郡鄱陽縣地孫吳置上饒縣以其在饒州之

上饒縣志沿革卷三

上也郡縣釋名

按隋時始改饒州孫吳並無饒州之名何得云在饒州

之上此處疑係脫誤前志

縣本吳所置隋平陳省元和郡縣志

晉省宋復置隋省唐復置隸饒州豫章書

上饒屬揚州境古為荒服春秋為楚越之交吳伐楚取番

陽為吳地吳滅入越越滅復入楚秦併六國置郡縣上饒

為九江餘汗地漢改九江置豫章為豫章餘汗地吳建安

十五年析餘汗置葛陽縣為鄱陽郡葛陽地晉因之隋大

業三年復析葛興入葛陽置弋陽縣唐武德四年復葛陽
置上饒隸饒州又析葛陽西境置玉亭長城二縣七年省
上饒入弋陽乾元元年江淮轉運使元載請置信州乃復
弋陽地爲上饒縣又析上饒地置永豐縣屬信州隸江西
採訪使元和七年省永豐入上饒五代時楊吳南唐繼有
之宋平江南隸江東路熙甯七年復析上饒之永豐鎮爲
永豐縣上饒於是其有畫壤元初改信州路隸浙江行中書
省旋爲徐壽輝陳友諒竊據至正二十年明太祖兵取信
州後改爲廣信府洪武二年以隸浙江漕運不便改隸江

上饒縣志

沿革
卷三

五

西上饒屬廣信府九年革行中書省隸江西布政使司

皇清因之編戶九十九里

舊志

按廣豐前志洪武四年郎中余德讓疏廣信隸浙江漕
運不便請改隸江西布政使司則云洪武二年者非也
且按嘉靖林志洪武九年革中書省置承宣布政使司
則洪武四年不應有布政使司之名今并志於此以俟

博古者考核焉

舊志
原跋

按明太祖於元至正十二年起兵濠州二十四年始稱
吳王二十八年戊申卽帝位國號明建元洪武則二十

年取信州在未建大號以前府舊志作洪武二年有誤
原按據廣豐前志稱洪武四年改隸江西布政使司其
布政使司字亦誤今依明史訂正

前志

按舊志載吳建安十五年析餘汗置葛陽縣爲鄱陽郡
葛陽地晉因之云云查洪亮吉三國疆域志補云鄱陽
郡漢建安十五年吳分豫章置領縣九曰鄱陽廣昌樂
安餘汗鄒陽歷陵葛陽上饒建平又東晉疆域志補云
鄱陽郡吳置東晉領縣八曰廣晉卽吳之廣昌曰鄱陽
樂安餘汗鄒陽歷陵葛陽晉興而無上饒是上饒爲吳
立已有縣名至晉時始省入葛陽而爲葛陽地今云吳
爲葛陽地晉因之疑誤又建安係後漢年號今云吳建
安十五年亦非

上饒縣志

沿革
卷三

六

攷前志於封爵門辨府志按語云晉鄱陽爲郡葛陽晉
興屬今上饒貴溪地此云鄱陽縣未詳一條曾據洪亮
吉補三國疆域志東晉疆域志確爲指正茲則辨舊志
吳建安十五年析餘汗置葛陽縣爲鄱陽郡晉因之等
謬爲纂入沿革門以訂其訛